

拈揚尾打草螞

江秀鳳(四縣腔)

從細性體就當浪漫，逐擺出門就樂線樂線，一路行一路看山、看水、看花、看樹仔、看蟲蟻(hien\)，吾姆講厝係「拈揚尾打草螞」，比起別人，厝有較恬靜，除忒基本个禮貌，單淨會膠叔婆伯姆相借問定定，毋曉得同人講長講短，一半擺仔同一陣人共下行，乜係恬恬無話講，罕得多嘴。

吾姆識膠厝講：「係有人膠你講別人个壞話，定著毋好傳出去，假使係有人阿謔人，就愛講分人聽，做細妹人，口德盡重要。」阿姆這句話，厝記一生人，就算有人捎吾壞話，抑係冤枉厝，一概無回應，阿姆講：「有智慧个人，會還你清白，毋使愁。」

戴到都市个時節，出門總係愛過街弄巷，下把仔阿姆喊厝買東西，厝盡好行巷路仔，巷路項盡多人種花花草草，像這下四月時節麼該花就有：大紅花、樹蘭花、新丁花、吊菜花、辣椒花…，正經無騙你，都市人个吊菜仔、辣椒仔係「花鉢仔種菜——無園(無緣)」，辣椒仔開白花、吊菜仔葉浸青大大皮開吊菜色个花，樹蘭開黃花細細粒仔歸串歸串仔當香，一下無注意行過邊，鼻著香味就會行倒轉來尋，尋著个時節就會用手準做扇仔，細細力撥到鼻公頭鼻香。

先生有教做毋得膠花摘下來，該係大家个，愛留分別人看靚，乜做毋得膠花枝拗過來鼻，無堵好會傷著花，一蕊花一生人正開一擺，愛分佢開較久兜仔，分較多人看著正毋會打爽佢開到恁靚。

有一日，行過大紅花樹下，該頭大紅花比厝高兩倍，一年四季開紅花，該日看著樹椗項當多蟲仔趕來趕去，行兼看真哪，阿姆哀哦！仰會恁多咖啡色个臭鼻蟲，像蟻公樣仔歸陣仔緊停動，佢同樹椗个色目共色，無注意看還看毋清，成時會趕到若圓身項臭嘮嘮(pang / pang /)仔還得人惱。在都市想愛看著花姑仔盡少，愛在無汙染、無農藥个環境正有，一半擺仔會在巷仔肚看著，厝會跔下來看佢定定仔爬，花姑仔紅色烏點生到圓圓盡得人惜，揚蝶仔滿哪飛上飛下，揚尾仔愛等到會落两个時節正會出來，歸大陣像細飛行機樣仔，在台中火車頭前个綠川細圳仔頂聚總，還鬧熱哪！當多過路个人會頓腳下來欣賞，人膠水圳還有揚尾仔个畫面盡生趣。

等厝買好東西轉來，準會分阿姆罵：「喊你去買一罐豆油，你又走去拈揚尾打草螞，等到你轉來，厝就煮好食飯囉。」

2018. 4. 27 在大墩木棉樹下